

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut:

1. Nunatsinni ilanngaaserisut (told-rit) siorna pingasunik (Ilulissani marluk Kangerlussuarmilu ataatsimik) amerlineqarnerat qanoq sunniuteqarpa?
2. Anngiortumik ikiaroonartumik eqqussuiniarnermi atorfilittat amerlineqarnerisigut arsaarinnissutaasartut annertusippat?
3. Anngiortumik ikiaroonartumik eqqussuiniarneq akiorniarlugu Naalackersuisut qanoq pilersaaruteqarpat?
4. Atorfilittat (told-it) amerleqqinniarneparpat?
 - Aappiussappat qaqugu aammalu sumi atorfinitsinniarnepassappat?
5. Anngiortumik ikiaroonartumik eqqussuiniarneq akiorniarlugu Naalackersuisut aningaasaliissutissanik ilasiniarpat?
6. Naalackersuisut qallunaat Nunaata inatsisinut atuutsitsinermut ministeriaqarfia suleqatigalugu anngiortumik ikiaroonartumik eqqussuiniarneq pillugu suliniarnertik annertusarsimavaat?
 - Qanoq qangalu?
7. Kalaallit Nunaanni ikiaroonartumik eqqussuiniarnermut akiuiniartut politiit atorfillit qassiuppat?

(Inatsisartuni ilaasortaq Erik Jensen, Siumut)

Tunngavilersuut:

Sallunerussagunanngilaq oqartoqassappat Nunatsinni ajornartorsiutit annersaarigaat ikiaroonartumik atuivallaarnerujussuaq. Tamannalu annertunerusumik akiorniarlugu suleqatigiissuteqartariaqarpugut. Ilaqutariippassuimmi minnerunngitsumillu meerarpassuit inuusuttullu sequtserneqarnerat mumisilluinnartariaqaratsigu - suleqatigiilluta.

Politiit 2018-imut ukiumoortumik nalunaarutaanni (2019-imoortoq suli saqqummersimannginnami) takuneqarsinnaavoq nuna tamakkerlugu 59,6 kg hash arsaarinnissutaasimasoq.

Politiillu nalunaarutaanni maluginiagassaavoq illoqarfiit ilaanni arsaarinnissutit annikitsuararsuusarnerat, naak innuttaasut oqariartuutigigaluaat illoqarfimmini ikiaroonartoq



annertuumik atugaallunilu ajornartorsiutaasoq. Assersuutigisinnaavarput Maniitsumi taamaallaat 41,10 gram, Nanortalimmi 623 gram, Qeqertarsuami 96,29 gram, Qasigianguani 1,50 gram, 2018-imi arsaarinnissutaasimammata. Isumaqarpungalu tamatumap ersersikkaa ikiaroonartumut akiuniarnermut suliniutit suli annerujussuusariaqartut.

Taaamaattumik Naalakkersuisut qanoq suliniuteqarlutillu pilersaaruteqarnersut paasisaqarfigerusunnarpoq.

Kissaatigaara apeqquteqaatiga ullut suliffiusut 10 ingerlanerani akineqassasoq.